

麻城縣志卷二十

人物志 仕績

國朝

項始震順治丁亥進士授縉雲知縣時山寇縱橫鄉邑殘破始震招撫之寇散民安民間婦子散失者捐金贖歸陟

大理同知 府志

王有容字自牧為龍巖知縣時方軍興徵夫取餉羽書旁午有容多方為民請命乘便增城浚濠儲糧置械及漳郡失守巖孤城無援有容乞師於贛與民瀝血死守賊逼城

麻城縣志

卷二十

仕績

五八

有容調兵據勝屢挫其鋒賊解去城賴以全 通志

汪淑問字邁陶順治己亥進士健為知縣安輯流遺縣人

德之 府志

王元士字大周號九山順治辛卯鄉魁己亥會魁任浙江定海縣因海防禦賊有功陞廣東瓊州知府在任除負鹽陋規搜明邱濬海瑞後裔拔取之士民稱頌不衰擬陞羅定道未任卒

萬象字天成授新貴縣陞黃平州知州再任山西解州知州恪恭乃職治著循良大吏以清廉上薦轉刑部山西司

郎中平反亦多允當

程浩字天行號知菴父自勝號崑岡厚重有禮明萬厯間授靜海典史清介有惠政率以鯁直忤縣去士民皆哭送之生二子長達字大行府庠浩其次也少穎異好學能文十四入泮食廩餼應順治八年拔貢生授通判改授河南按察司經歷巡撫賈漢復聞其清介委署臨潁民多便之署虞城閱月以俸滿轉台州同知時海寇鄭成功航帆出沒無常浩日與知府郭曰燧等協辦軍務厯府縣考試公明有聲復攝黃巖篆告病歸行李蕭然其清介始終如一

麻城縣志

卷二十

仕績

五九

初浩

朝考時晤同科貢生羅載惇述及生庚遇合無不相同遂視若昆弟後羅陞黃州守卒於官家口不能遽歸浩寄帑歸橐有古人風其致政時軼事云

胡躍龍字羣吉公國子順治辛卯舉人壬辰進士任鄖陽府教授時府經兵火黷宮未及修理躍龍捐貲重建值西山遺孽跳梁頻年大兵進勦委給糧行間士無譁者連攝鄖竹房三縣篆武當香稅典史者舊有例人爭營之躍龍兩委監不受一錢泄鄖九載直指李公稔其治行列首剡

遷直隸新城縣旋致仕歸重修拜郊堡北門岐鎮東深溝  
二橋近宅有朱家堡大河春夏設舟秋冬建橋募善醫者  
和藥濟世前後約費數千金於祖居設塾教子弟多所成  
就從子文域生數月失怙撫猶己子遂舉戊子亞魁授隨  
州學正值歲饑族屬鄉鄰連日不舉火者甚衆從弟生員  
胡輝田窘迫來告躍龍遂慨然以穀數百石徧周卹之軼  
事詳墓誌銘

鄒宗彥字俗儀號坦叅少貧困撫諸弟友愛倍至明季土  
寇竊發築堡捍禦中順治丁酉經魁戊戌進士庚子同考

麻城縣志

卷二十

仕績

卒

北闈所得皆知名士同鄉劉本源亦其一也旋授綏陽縣  
愛民如子政暇以春秋課士癸卯連科獲雋者二十餘人  
秩滿陞澤州知州未授病卒綏陽署縣人德之祀名宦  
張颺字賡僊明末避難往來黔楚二十餘年善弓馬熟岌  
畧

大清定鼎後以武功歷安籠鎮總兵官旋改文階累官廣  
東布政使司

引見時恭聆

聖訓慎以持衷勤於蒞事敬書爲額懸掛中堂任粵五年

權攝督撫印篆年六十八休致歸里

胡呈祥字叔文少貧投軍行驍勇絕倫以弁員効力滇黔從征吳逆有功授徽州參將

鄒世美康熙癸卯歲貢任湖南沅江訓導幼穎異經史過目成誦好作詩長於集古捐俸修學宮與同學謝公置學田四十石兩院保舉署沅江縣

鄒士璫字石瞻康熙甲子舉人由戊辰庶吉士授檢討典試山東隨督學山西約條悉關大體逮辛卯擢內閣學士兼禮部侍郎明年春充

麻城縣志

卷二十

仕績

六

廷試讀卷官癸巳

命山東祭告監賞綠旗兵丁以

覃恩賜封

誥命正三品廕子越三年乞休出入禁闈三十餘年

天恩屢錫及解組而車騎祖餞名公卿贈以詩歌宦成之美擬二疏焉致仕歸以餘貲建祖祠置田以供族衆祀事清閒淡泊足跡不出戶庭其長子汝模入詞垣人以為青瑣世業

鄒汝魯字鈍齋康熙丁卯舉人辛未進士初任清豐縣清



卷丁酉大計巡撫李發甲表薦第一授羅源縣蒞任卽捐  
修文廟興義學修縣志訟皆立決捕盜如神伸理冤獄不  
避權要署閩縣時有把總被誣侵蝕馬價擬斬楠理其冤  
將軍不憚楠曰職在核實縱奸廢法故殺負心官可去勘  
不可更也已亥巨盜薛彥文橫肆五縣震動楠密示捕員  
二更於城東獲奸宄爲內應者次日協同營將入山搜獲  
賊首衆黨悉平巡撫黃國材特薦因老病乞休士民感德  
鐫碑志之長子文焯邑庠生次文煊籍常德沅江歲貢  
鄒汝謙字謙公由貢授岳陽縣潔己愛民掃除一切陋規

麻城縣志

卷二十

仕績

六三

修學宮培書院文風大變岳俗輕生多株連無辜謙訊明  
卽令押埋莠民不能獲利全活者衆鄉愚不識禮教同宗  
無服輒聯婚謙諭以百世不通之義違者立杖斷離風俗  
以正岳民勒碑以紀其實再攝靈石潞城篆人咸戴德乞  
休歸里布裳徒步恬如也

鄧良燮字理豐康熙庚子歲貢邑令吳顧行延掌義學十  
二年訓課有法續刻西陵課藝一時知名士多出其門乾  
隆己未選蒲圻縣訓導兼教諭事重修學宮大興文教致  
仕歸里公舉庚辰鄉飲大賓年九十四卒

王琬字序周性醇厚動必以正善屬文中康熙三十五年鄉試在山西試院衡文極公正人不敢干以私任岳州教授有廩生某以事得罪岳州知府必欲褫生名琬固護得免後某生力學成名亦任湖北教職士論亟稱之其孫聯登賢書早入仕籍咸以爲隱德之報云

蔡仕本姓王康熙乙酉舉人任湘潭教諭補諸生時路拾遺金四錠日暮俟遺金人來尋詰實盡還之是科仕卽登榜

徐家麟字遠眸康熙癸巳舉人以明通榜補孝感學教諭

麻城縣志

卷二十

仕績

六四

後任均州學正嘗贊理縣令吳顧行葺義學置學田刻西陵課藝縣東桃林河倡設義渡請諸公製文勒石免其差派至今稱利賴焉生平善詩古文詞苦散軼往往見諸他集

程均字和安康熙甲午舉人任桃源教諭署常德教授教士懇摯辦祭誠敬諸弟子員受薰陶者皆列巍科歸後囊空衣敝晏如也

成撰字西翰號豫三壬子副榜任枝江訓導撰篤志潛修拈題自課縣內知名士多出其門耄而猶勤同知彭欽賞

以武公未老額爲贈撰亦手錄身經五世太平日眼見四君全盛時之句書聯以誌喜年九十三歲卒

李遠字遐彰康熙乙酉舉於鄉任嘉禾教諭巡撫延主嶽麓書院口講指畫多所造就遷永州府教授年八十一告歸

鮑啟泌字師鄴號念齋雍正丙午副榜保舉任湖南石門縣縣多虎患及泌到虎多遁去調任通道除採買轉長沙通判承修貢院除開銷帑項外捐銀四千餘兩號舍一新署衡州府適通道煤窰嘯聚大吏因泌任通道時撫御有麻城縣志

卷三

仕績

六五

方檄委查驗卽單騎往曉以大義責懲首犯數人餘悉省釋苗民帖服蓋其居官清正所致也

甘學溇字石泉號簡齋乾隆壬戌進士任江西興安知縣性廉潔不苟取政簡刑清與民休息下車卽修造岑陽書院延師教育文風丕振邑有某僧犯奸餽重金不受又有富人牛死人誣以私宰爲之辯明後餽酒內藏白金召其人笑還之其清操類此以大計解組歸先是武生毛明經爲縣訟師屢被斥責常語人曰渠不愛我我卻愛渠不過要我做好人耳至是率縣中士民成萬民衣傘流涕薦送



歸家後隱居東山無長物不計有無時有江姓懷厚賄求干謁公庭答曰吾平生如婦人守寡豈肯臨老嫁人耶江負慚而去刻有文稿及口頭語詩子椿縣學生

吳家駒號栖堂乾隆甲戌進士授確山縣縣當孔道舊苦供給家駒除勘合外無所與民賴以安聽訟無留牘鄰縣疑獄多委決信陽富民杜姓因姦殺人投刀而逸州弗能決家駒廉知死者爲杜舊佃遽令決庄前塘水落而匕首見徑拘杜以刀合傷處脗合遂伏罪甲午歲大祲固始縣報歲失實民攜槁苗質告知縣夜逸大吏委家駒往撫境

麻城縣志

卷二十

仕績

六六

丙帖然所至多平反呼吳青天四校鄉闈所拔皆名宿任十二年擬薦卓異以疾歸民遮道攀轅依依不忍舍去

鮑棟字宇週廩貢生知州署印江縣鄰縣歉收搬運者衆米價頓長棟諭富戶減值出糶有廖戴吳三族互爭田界訟數十年不決棟往勘無所可否置酒勞之三姓者皆幡然悔願以爭界廢爲間壤任鎮遠適滇省徵兵所辦夫役例按赴差時日給食集人守候概使自食棟捐貲給之轉仁懷同知向例廳學止六名詳請廣額三名文風因以蔚起戊戌因公赴省道見民多菜色稟請大吏捐廉賑濟遂

於省城外設二廠施粥飢民大蘇以卓異引見卒於京  
鄭文坦由附監捐通判任四川攝廣元捐建義學置學田  
任彭水縣屬通衢役夫工食素爲胥吏侵蝕乃捐銀給夫  
懲胥吏勒碑杜弊在緜州時有蕭姓先與貧生婚後嫌貧  
悔之坦捐俸三百金爲生置田宅斷蕭女歸生生以力學  
成名

鮑材字作舟附貢生居家孝友處世端方任雲南嵩明州  
知州一以廉潔自矢不久卒於任

成倫字展言學富品優乾隆癸亥癸未兩爲修學宮及修

麻城縣志

卷二十

仕績

六七

鼓樓首領以廩貢任孝感縣訓導三署教諭事慇懃訓課  
和易嚴明奉委編查俗淳恥格舊有學舍傾圮自解囊修  
葺加增維新歷九年以疾告歸士人思慕不忘述之碑誌  
梁景陽字鳳喈號梧岡乾隆庚辰

恩科鄉試第一辛巳擢國子監學正己丑成進士歷官吏  
部郎由科道累至太僕寺少卿廉介明敏待人真誠篤摯  
乙巳歲以年逾六十預千叟

盛宴拜賜有加有同年友卒於京無子遺三女流離失所  
景陽昏其長女次女幼女則挈之歸里縣會館在京者創

自有明館側被侵蝕贖而新之里中好義者咸踴躍襄事  
經理指示景陽一身任之本末具載碑記

侯映甲字麗山庚辰經魁初授祁門縣廉明果斷試童子  
杜鎗冒弊絕風清調蕪湖捕蝗有功陋規悉屏以丁母艱  
服闋分發甘肅授高臺縣卒於任子幼扶櫬歸家徒四壁  
無朝暮資未幾其子亦卒無繼嗣者豈廉吏可爲而不可  
爲耶

胡翔靄字裔雲號晴沙乾隆乙酉舉人內閣中書任杭州  
通判遇事勤敏委辦兜盤頭海塘衆議撤舊柴塘翔靄不

麻城縣志

卷二十

仕績

六八

可外仍柴塘內加石塘工始就杭州多火災羣不逞輩因  
火搶奪翔靄至諭令拆民房斷火路其救火兵丁及諸無  
賴不得藉端搶奪違者按律坐境內肅然歷署九郡所在  
有聲著武林遊草四卷卒於任

魯之裕號亮儕原籍麻城父啟昌雲南永順總鎮致仕後  
居太湖縣裕中江南康熙庚子科舉人歷任內閣中書出  
授河南五縣知縣特選江西贛州府知府陞湖北安襄鄖  
道署按察使司調直隸清河道署布政使

程琮字瑞玉號惕齋漢安先生長子也漢安有學行未遇

琮乾隆壬午舉人癸未會魁知山西垣曲縣事三載以清廉著囹圄一空獄吏無事多灌園食力者以父喪歸教學鄉鄰多所成材弟璘字美玉號南坡乾隆庚寅恩貢辛卯舉人諭公安縣學善詩文尤精書法壽九十八歲

袁銑號金溪行五嘉慶辛酉舉於鄉辛未成進士授翰林院編修自巡視南漕及居諫垣以介節直聲聞主講江漢書院十餘年一時掇巍科成巨儒者數十人嘗書楹聯云不看破義利關何須講學要識得忠孝字才算讀書其生平卓行詳載鄉賢錄並朱恕齋方伯墓誌銘王霞九觀察

麻城縣志

卷三

仕績

六九

傳

王勸乾隆丁酉舉人大挑一等檢發江南知縣歷任金山奉賢南漕華亭諸縣調任邳州泰州太倉諸州陞太湖廳同知所至有政聲崇祀望海樓名宦祠

梅茂南號庠村嘉慶戊辰舉人辛未進士歷任河南輝縣陽武鹿邑廣東東安知縣推陞內閣中書公少以文名居官廉厲宰鹿邑時河決捐鉅貲以救民患人咸賴之且明斷無私有青天之號爲豫中同考試官首薦周芝臺以偉器期之後果官至相國時人服其藻鑑

程德楷字憲甫號松亭嘉慶辛酉選拔是科鄉舉乙丑進士由編修任福建主考貴州學政時黔省教匪煽惑奉旨撰刻訓民七說分發府縣訓士四論曉諭諸生大學士曹振鏞以家學淵源人品端正八字薦入上書房授惠親王讀攝授皇長子讀時西域蕩平詩賀有天子當陽位人間奏凱聲之句上大嘉之旋視學江西以光祿寺卿卒於京邸官署上特命受業惠親王親臨奠醊奉旨歸葬於望花山南三里許羅家土橋之曾家園從弟德模字端甫以廩貢訓大治學時諸生有互訟者經年不決下車麻城縣志

卷三十

仕績

七十

立決士習以端德懋字禧甫號伯亭以副貢諭咸甯學喜教授不計束修新進生以贄見必面諭曰毋過豐諸生有不率教者傳學教導給以饗殮俟其自悔而遣之該縣士民至今稱頌

毛正坦號循齋由監生例授揚州鹽大使旋歷任浙江句容寶山等縣知縣政聲卓著巨盜宋久和積案未獲坦率役擒之築海塘堤岸民皆利之至今呼爲毛公車毛公堤云後升太湖廳撫民同知長子大綬邑庠生道光初援例補工部都水司次子大紘邑庠生援例候補江蘇省

袁學濬號蓮渠從叔金溪公遊有文名由國學中道光庚子鄉試咸豐間同封員王大堃練勇出境勦賊蒙大吏詳奏以知縣用揀發吳西歷署秦和萬安縣事所至有聲初之任秦和時值隆冬兩山駐劄公僅帶二十餘人乘夜舉火從中道入賊不敢動旋率眾攻城公先士庶日夜登陴經兩月城賴以全在官判斷明決積案一空去日祖道者進萬人衣傘尋加知州銜授萍鄉縣自萬安赴省緣勞極卒於舟次

陳典字慎齋由廩生中嘉慶丙子科舉人道光乙未大挑

麻城縣志

卷二十

仕績

七一

一等分發陝西歷署葭州及平利臨潼等縣二十二年實授麟遊縣多惠政告病去官之日父老遮道攀轅晉萬人衣傘並建祿位牌

鄒慕嶧邑庠生年五十始仕初任清苑有能名升知霸州三年中教化大行秩滿之日攀留者塞道上憲聞其政聲逾年復任士民間公再至老幼歡迎獻聯云郡人重得黃丞相童子爭迎郭細侯

羅文樞字靜軒別字愚溪道光己亥舉人由內閣中書出守四川龍安府剖斷若照積牘爲滌時髮賊藍姓最悍屢

擾蜀稔樞惠政且憚其團防密不敢犯境甲子權潼川守  
治績一如龍安旋致仕卒蜀人至今誦之著有愚溪文集  
綱鑑輯要

夏梧字鳳儀道光己酉經魁咸豐間粵匪擾楚及吳胡撫  
軍委修碉堡檄督禮右營以勞績奏保知縣加州銜籤分  
直隸同治七年鹽臬擾直邊戰巨鹿陣獲賊渠又助修順  
德府城晉運同銜提補武強知縣蒞任月餘卒歸里之日  
行橐蕭然

麻城縣志

卷二十

出績

七二

